

РИШТОНДА “ЎЗБЕК-ТОЖИК” ДЎСТЛИК ЖАМИЯТИ ИШ БОШЛАДИ

Риштон туманида “Ўзбек-тоҷик” дўстлик жамиятининг тантанали очилиш маросими бўлиб ўтди.

Мамлакатимизда турли миллат ва элат вакиллари тинч-тотув, иноқлиқда яшаётган бўлиб, юрт тараққиётига муносиб ҳисса қўшишмоқда. Айниқса, кейинги йилларда Президентимиз ташаббуси билан яқин қўшнилиқ алоқаларининг мустаҳкам йўл қўйилгани қардош халқлар билан ҳамкорликни янада кенгайтиришга хизмат қилмоқда. Ўзбек ва тоҷик халқлари азалдан бир дарёдан сув ичган, қариндошлиқ ришталари билан боғланган.

Биргина Фарғона вилоятида тоҷик миллатига мансуб қарийб 300 мингга яқин фуқаро истиқомат қиласиди. Тоҷик миллий маданий маркази самарали фаолият юритаётган бўлиб, 26 та мактабда таълим тоҷик тилида олиб борилади. Фарғона давлат университетида тоҷик тили йўналиши мавжуд ҳамда 100 нафар талаба таҳсил олмоқда. Тоҷикистон ҳукумати томонидан Риштон туманида янги мактабгача таълим ташкилоти бунёд этилмоқда. Айни кунларда турли соҳаларда икки томонлама манфаатли ҳамкорлик олиб борилмоқда.

Мазкур марказнинг ташкил этилиши ҳам дўстлик ва қардошлиқ алоқаларини янги босқичга кўтариши билан аҳамиятлидир.

Очилиш маросимида Фарғона вилояти ҳокими Хайрулло Бозаров, Тоҷикистон Республикасининг мамлакатимиздаги Фавқулодда ва муҳтор элчиси Содиқ Имомий сўзга чиқиб, янги марказ ўзбек-тоҷик халқларининг анъанавий дўстлигини янада ривожлантириш ва мустаҳкамлашга хизмат қилишини таъкидлади. Тадбирда янграган куй ва қўшиклар тадбирга ўзгача файз бағишлади.

Меҳмонлар “Ўзбек-тоҷик” дўстлик жамиятида яратилган шароитлар билан танишишди. Тоҷикистон Республикасининг Ўзбекистондаги элчинонаси бу ерда ташкил этилган кутубхонага тоҷик тилида нашр этилган китоблар ва эсадалик совғаларни топширди.

Замонавий қад ростлаган марказда икки миллат вакиллари орасидан етишиб чиқсан буюк ёзувчи ва шоирлар асарларидан иборат китоблар кўргазмаси, кутубхона, ҳунармандчилик музейи, тоҷик тили ўрганиш курси, ўзбек-тоҷик мусиқа ва рақс гуруҳи фаолияти йўлга қўйилди.

Бинонинг асосий зал қисмида ўзбек-тоҷик халқларининг тарихий дўстлигини ифодаловчи буюк ёзувчилар, шоирлар, фан ва маданият ходимларини портретлари ҳамда уларнинг ижодларидан намуналар, тасвирий санъат асарлари ҳамда халқ амалий санъати намуналаридан иборат кўргазмалар ташкил этилди.

Жамиятнинг асосий мақсади Фарғона вилояти ва Тоҷикистон Республикаси аҳолиси, жамоат ташкилотлари ва корхоналари ўртасида маданий, маърифий, иқтисодий ва ижтимоий алоқаларни шакллантириш ва ривожлантиришдан иборатdir.

Фарғона вилояти ҳокимлиги

2020-10-16 10:11:19